

Қарақұдық кен орнында "Қарақұдық-мұнай" акционерлік қоғамымен өнімді бөлісу шартымен мұнайды барлау, игеру және өндіру жөнінде контракт жасау туралы

Қазақстан Республикасы Министрлер Кабинетінің қаулысы 11 маусым 1993 ж. N 498

Қазақстан Республикасының Министрлер Кабинеті қаулы етеді:

1. "Қарақұдық-мұнай" акционерлік қоғамы ұсынған "Қазақстанмұнайгаз" Ұлттық мұнай компаниясының, Қазақстан Республикасы Геология және жер қойнауын қорғау министрлігінің, Маңғыстау облысы әкімінің қатысуымен әзірленген және республиканың мүдделі министрліктерімен және ведомстволарымен келісілген Маңғыстау облысының Қарақұдық кен орнында өнімді бөлісу шартымен (продакшн шеринг) мұнайды барлау, игеру және өндіру жөніндегі контрактінің жобасы мақұлдансын.

2. Жасалған контрактіге сәйкес геологиялық зерделеу және Қарақұдық кен орны аумағында көмір сутегі шикізатын өндіру үшін жер қойнауы "Қарақұдық-мұнай" акционерлік қоғамына пайдалануға берілсін.

3. Қазақстан Республикасының Энергетика және отын ресурстары министрлігіне Қазақстан Республикасының Қаржы министрлігі мен Экономика министрлігінің қорытындыларын ескере отырып, контрактіге қол қою және "Қарақұдық-мұнай" акционерлік қоғамымен жасалған контрактіні іске асыру барысында республика мүддесін сақтауға бақылау жасауды қамтамасыз ету жүктелсін.

Қазақстан Республикасының
Премьер-министрі